



Inatsisartunut Ilaasortaq, Mariane
Inuit Ataqtigiit

30-05-2024
Suliap normua 2023 - 25175
All. il. 24200081

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66
66
Email: iian@nanoq.gl
www.naalakkersuisut.gl

§ 37 naapertorlugu apeqquteqaat nr. 12-2025-mut meeqqanut innarluutilinnut angajoqqaanut tunngasumut akissuteqaat

Asasara Mariane Paviassen Jensen.

Apeqqutigisannut qujanaq. Apeqqutit tullinnguuttut ataasiakkaarlugit assilinqarsimapput, akissutiniq tulleqarlutik.

Inussiarnersumi § 37 naapertorlugu apeqquteqaat nr. 25-2024-mut akissuteqaatinut, meeqqanut innarluutilinnut angajoqqaanut tunngasumut innersuussissaanga.

Apeqqutit akineqarnissaannut naalakkersuisoqarfiup kommunit paasissutissanik qinnuiginniffigai, kisianni ajoraluartumik Avannaata Kommunianit kiisalu Kommune Kujallermi / Meeqqanut aamma Inunnut Innarluutilinnut ingerlatsivimmit paasissutissanik taamaallaat nassiussisoqarpoq. Inunnut innarluutilinnut sulianik suliarinnittarneq suli digitalinngortinneqanngimmat, paasissutissanik pisariaqartinneqartunik nassaarniarneq kommunini sulisoqarnikkut annertuumik atuiffiusinnaasarpoq.

Apeqqut 1. Angajoqqaat innarluuteqartunik meerallit nunatsinni qanoq amerlatigineri kisitisaatigineqarpat?

Akissut:

Naamik, nutaanik kisitsisaateqartoqanngilaq.

Naatsorsuineq kingulleq 2020-imeersuuvoq: Inuit annertuumik innarluutillit pillugit kisitsisitigut paasissutissanik naatsorsuineq.

Naatsorsuineri matumani inuit annertuumik innarluutillit katillugit 1132-nik amerlassuseqarput, taakkunannga 0-17-inik ukiullit 15,83 %, tassa meeqqat 18-it inorlugit ukiullit katillugit 179-it annertuumik innarluuteqartuupput. Meeqqanut annertuumik innarluuteqartunut angajoqqaat amerlassusaannik naatsorsuisoqarsimanngilaq.

Inuit innarluutillit tapersorsorneqarnissaannut Inatsisartut inatsisaata 1.1.2020 atuutilernerani tapersorsorneqarnissamut sullinniakkat amerlineqarput, taamaattumillu 2025-mi meeqqat 18-it inorlugit ukiullit amerlisimanissaat aamma meeqqanut innarluutilinnut angajoqqaat amerlanerunissaat ilimagineqarpoq.



Avannaata Kommunia angajoqqaat 40-t kommunimi meeqqanut innarluutilinnut angajoqqaajusut ilisimatitsivoq.

Meeqqanut inunnnullu innarluutilinnut ingerlatsivik / Kommune Kujalleq meeqqanut innarluutilinnut angajoqqaat pillugit paasissutissaateqanngilaq.

Apeqquut 2. Angajoqqaat qanoq amerlatigisut meeqqaminnik innarluutilimmik paaqqutarinnittariaqarlutik

suliffimmik naliginnaasumik suliffeqarsinnaanngitsut amerlasussaata ilisimaneqarpa?

Akissut:

Naamik. Meeqqamut innarluutilimmut angajoqqaajusoq ataaseq, § 40 malillugu tapersiinissamut pisartagaqartoq Avannaata Kommunia ilisimatitsivoq. Meeqqanut Inunnnullu Innarluutilinnut Ingerlatsivik / Kommune Kujalleq taakkunannga naatsorsugaateqanngilaq.

Apeqquut 3. Kisitsisit pigineqarpata, taava siuliani apeqqutitut marlunnut pineqartut qanoq amerlatigippata?

a) Ilisimaneqanngippat qanoq amerlatigineri misissorniarneqarpat?

b) Misissuisoqarniarpat qaqugu tamanna ingerlanneqassava?

Akissut:

Meeqqanut Inunnnullu Innarluutilinnut Ingerlatsivik / Kommune Kujalleq meeqqat 0-17-nik ukiullit pillugit sulianik maanna ingerlasunik 57-inik nalunaarsuisimavoq.

3.a Akissut apeqquummut 3.b-mut atatinneqarpoq.

3.b pillugu Inuit innarluutillit pillugit suliamik suliarinnittarnerup digitalinngortinneritigut, meeqqanut innarluutilinnut angajoqqaat pillugit paasissutissat pisariaqartinneqartut pissarsiarineqarsinnaanissaat naatsorsuutigineqarpoq. Inuit innarluutillit tapersorsorneqarnissaannut Inatsisartut inatsisaannut siunnersuutigineqartussami, inuit innarluutillit pillugit inatsisitigut pisussaaffilimmik sulianik suliarinnittarnermik digitalinngortitsinissaq ilanngunneqarpoq.

Avannaata Kommuniani suliat allattorsimaffianni tapiissutit suut tunniunneqartarnersut kisitsisaatigineqartut, Avannaata Kommunia ilisimatitsivoq. Suliat allattorsimaffiat qaammatit tamaasa nutarterneqartarpoq, kommunillu ineriartorneq taamatut malinnaaffigisarpaa.

Meeqqanut Inunnnullu Innarluutilinnut Ingerlatsivik / Kommune Kujalleq meeqqanut innarluutilinnut angajoqqaanut tunngatillugu immikkut ittumik misissuinissamik pilersaaruteqarpoq aamma nalunaarsuisarnermut paasissutissanullu tunngaviusut pitsanngorsarnissaannik ataavartumik suliaqarput, ilaatigut angajoqqaanut nammineq angerlarsimaffimmi aalajangersimasumik imaluunniit utaqqiisaasumik paarsinissamut tunineqarsimasunut tunngatillugu.

Kommunimi sulianik suliarinnittarnermut atortut kisitsisinik assersuutigalugu paasissutissanut tunngavissatut atorineqarsinnaanera killeqartoq maluginiaqquneqarpoq, piffissamilu matumani inunnut innarluutilinnut suliaasaqarfimmi kisitsisinik eqqortunik ingerlatsinissaq sulianik suliarinnittartumut marloqiusamik sulinissamik pisariaqartitsiffiuvoq.

Apeqquut 4. Angajoqqaat meeqqamik innarluuteqarnera pissutigalugu sulinngiffeqartariaqartarnerannut

anigaasanik annaasaaqartartut qanoq amerlasassuseqarneri ilisimaneqarpa

a) Ilisimaneqanngippat misissuisoqarniarpa?

b) Misissuisoqaaqarniarpat qaqugu tamanna ingerlanniarneqarpa?

Akissut:



Naamik.

Angajoqqaanut tapiissutit § 40 malillugu isertitat naapertorlugit iluarsineqartartut, kiisalu isertitaqartoqarsimanngippat tapiissutit SIK-mi isumaqatigiissut malillugu iluarsineqartassasut, Avannaata Kommunia ilisimatitsivoq.

Suliami pineqartumi suliamut tunngatillugu naliliineq tunuliaqutigalugu angajoqqaat namminneq angerlarsimaffiminni paaqqinnittussatut inissisimasut, angajoqqaajusup aappaa meeqqaminnut isumassuisoq annerpaamik sapaatip-akunneranut akunnerni 40-nik akissarsiaqartitsisinnaavoq, Akigititanut quppersagaq Isumaginninnermi akigititat malillugit, Meeqqanut Inunnullu Innarluutilinnut Ingerlatsivik / Kommune Kujalleq taama ilisimatitsivoq. 2025-mut minnerpaamik 106,47 kr. aamma annerpaamik 170,47 kr. Akigititaq angajoqqaat maanna akissarsiatigut isertitaat malillugit aalajangersarneqassaaq, isertitat annaaneqarsimasut angajoqqaat siornatigut isertitaannit aalajangerneqassapput.

Meeqqanut Inunnullu Innarluutilinnut Ingerlatsivik / Kommune Kujalleq angajoqqaat meeqqamik innarluutilimmik isumassuiniarlutik sulinnigiffeqarnermit isertitanik annaasaqarsimasunik kisitsisitigut paasissutissaateqanngilaq.

Meeqqat innarluutillit tapersersorneqarnissaat Meeqqanut Inunnullu Innarluutilinnut Ingerlatsiviup anguniartarpaa, taamaalilluni taakku angajoqqaavi meeqqanut innarluuteqanngitsunut angajoqqaat assigalugit atugaqarlutik angerlarsimaffiup avataani suliffeqarsinnaanissaannik isumaqartumik.

4 a aamma b pillugit. Inuit innarluutillit pillugit suliamik suliarinnittarnerit digitalinngortinneqarpata meeqqanut innarluutilinnut angajoqqaat pillugit paasissutissat pissarsiarineqarsinnaassasut naatsorsuutigineqarpoq.

Apequt 5. Angajoqqaat nalinginnaasumik suliffimmik paarsisinnaatinnaatik meeqqamik innarluuteqarnera

pissutigalugu, ikiorserneqarnissamut pisinnaatitaaffii ullumikkut periarfissaat ersarissumik paasititsiniaassutiginiarneqarpat?

Akissut:

Suliamik suliarinninnermi paasissutissanut sanilliullugit tapiissutit aalajangerneqartartut, taamaalillunilu angajoqqaanut innarluutilimmik meeraqartumut tapiissutit naleqquttut tunniunneqartartut, Avannaata Kommunia ilisimatitsivoq.

Tamatumani saniatigut innuttaasunit saaffiginnissutit pillugit Tiliup saqqummersitaanit ataatsimut isigalugit, kommunini inunnut innarluutilinnut sulianik suliaqarnermi unammilligassat amerlapput.

Innuttaasunut innarluutilinnut qanigisaannullu tamanut pitsaasumik siunnersuilluarnissaq anguniarneqartartoq, Meeqqanut Inunnullu Innarluutilinnut Ingerlatsivik / Kommune Kujalleq ilisimatitsivoq. Suliamilli suliarinninneq tatineqarfiusinnaasarpoo, suliamillu suliarinnittut ataasiakkaat innuttaasunut amerlasuunut akisussaaffeqakkajuttarput.

Angajoqqaat siunnersorneqarnissamut ilitsersorneqarnissamullu allanik periarfissaqaraluarpata ingerlatsiviup naleqquttutut isigissavaa, pisinnaatitaaffinnut taamaallaat pinnani aammali suliamut tunngatillugu ilisimasanut sakkusanullu.

6. Angajoqqaat innarluutilinnik meerallit siunissami atugaannut oqinnerulersitsinissaq siunertaralugu Naalakkersuisut sunik pilersaaruteqarpat?

a) Pilersaarutit qaqugu piviusunngortinneqarsinnaanerat takorloorneqarpat?

Akissut:

Inuit innarluutillit tapersersorneqarnissaannut Inatsisartut inatsisaannut siunnersuutissami nutaami aalajangersakkat arlallit inummik innarluutilimmik nammineq najukkami isumassuinnissamut periarfissanik



pitsaanerulersitsisussat ilaapput. Siunnersuut UPA 2026-mi saqqummiunneqarnissaa
naatsorsuutigineqarpoq.

Tamatuma saniatigut ilisimatitsissutigineqarsinnaavoq, Naalakkersuisut aggustimi 2024-mi "Inuit Innarluutillit
Pisinnaatitaaffii pillugit Naalagaaffiit Peqatigiit Isumaqaatigiissutaata malinneqarnissaanut iliuusissatut
pilersaarut 2024-2034" saqqummiunneqarpoq, tassani ilaatigut oqilisaassisarnerup atorneqarnerulernissaanut
suliniut ilaavoq, tassanilu meeqqat innarluutillit amerlanerusut angerlarsimaffimmut neqeroorummut
taarsiullugu angajoqqaaminni najugaqarsinnaanissaat siunertarineqarpoq.

Inussiarnersumik inuulluaqqusillunga

Anna Wangenheim